

QVÆSTIO MEDICA

QVOD LIBETARIIS DISPUTATIONIBVS MANE DISCVTIENDA

IN SCHOLIS MEDICORVM, DIE IOVIS V. MAII, MAGISTRO IOHANNE AKAKIA,
DOCTORE MEDICO, MODERATORE.

540

Città laborantes grāvida appetunt-ne similia?

QVI sensus inest huic & dolor & voluptas, quibus autem hæc & concupiscentia iucundi alicuius boni sed absentis appetitus. Iucundum quod efficit voluptatem, quæ est motio subita & stabilis in statu naturæ conuenienti. Concupiscentia quædam *μετὰ λόγου*, quædam *ἀλογος*: hæc nobis propter corpus naturæ inest, vt sitis & fames, vtriusque sedes ventriculi superius orificium; illa fit vel ab exuperante calore, vel à deficienti humore, hæc verò contra. Similibus vnumquodque seruatur vt & contrariis. Contrarium contrario alimentum. Licet mutatio ex præsentis statu non auxilietur sano, idem tamen semper efficit exuperantiam constituti habitus. Siccior naturæ ventriculus cibis gaudens cioribus celeriter fit sitibundus, cui amica est *διψαστοσία*.

MORBORVM natura corporibus contraria, quicquid enim hominem molestia afficit hoc vocatur morbus, qui omnis vel *οὐκ ἐν δυνάμει*, vel *οὐκ ἐν βίβλῳ*, vtriusque *φύσις ἐστὶν*. Ventriculus infinitis morbis tentatur, *καὶ ἀπὸ τῆς φύσεως ἐκπίπτει*, vt ab humorum impurâ colluie, quæ si eius tunicis firmitus adhærescat, nō sine periculo in grauidis vomitu excernitur: *καὶ ἀπὸ τῆς ἀλλοτρίης μείξεως*, vt ab epotis venenis quibus non semper prodest vomitus. Imaginatio penes quam summæ rerum potestas, & sine qua rei molestæ nulla perceptio, appetitionis proxima causa est: vtramque præcedit sensus, qui rei molestiam inferentis dolor, ad actionem læsam minimè referendus, nuncupatur. Stomachus eximio sensu præditus, cui laboranti delirium affecti cerebri symptoma proprium succedit: inde cibi & potus varij appetitus.

VENTRICVLVS suo genio, id est sanguine quo solo nutritur, defraudatus biliosis, pituitosis atque serosis excrementis, quæ illi trahenti iecur mittit, impletur. Quodque à quòque trahit & in vnumquodque mittit. Excrementi virtus *ἐκλυτὰ καὶ φθοροπικὰ*. Actionis læsæ tres tantum modi. Ciborum appetentia aut dissoluitur, aut tempus consuetum non seruat, aut denique ad absurda edulia morbose partis temperiei contraria fertur, quod postremum appetentis facultatis vitium *ἀσθένεια* dicitur, cuius nulla curatio. Quæ morbi ratione ventriculum occupant temperaturæ hōc differunt ab his quæ naturales existunt quoniam contraria appetunt, non autem similia quemadmodum naturales. Esu calcis viuæ nonnunquam recreatur ventriculus nullâ viscerum offensione, quāuis ipsa post vnum alterumue diem extincta *ἐξάγει* faciat. Humidorum sublatio siccorum status est. Mulier cum in ventre habet tota fit cum virore pallida & alienos cibos appetit, purior enim sanguis à toto corpore in vterum descendit & foetui in alimentum atque incrementum cedit. De speciei propagatione magis sollicita natura quàm de indiuidui conseruatione.

ITTÆ efficiens causa in prægnante alia non est quàm puerperij purgamenta, quæ si parcius quàm oportet fluant, tunc mulier viro calidior, acutâ febre prehenditur, *ἐνυπνία μάλιστα*: vomit pituitola, amara & acrida, *ἐξέρροια μάλιστα*: mente alienatur & deliria sūt furiosa, *ἐνυπνία καὶ πρὸς τὴν ψυχὴν*. Quolibet grauiditatis tempore eò ducendus humor quò naturæ vergit & magis confert. Asarum grauidis emeticum tutissimum, tutius Rhei infusum in decocto plantaginis, menthæ, beconicæ, myrobalanorum, calami aromatici, schœnanthi & florum cordialium. Vbi totum corpus plenum est per partem affectam vacuare grande nefas. Cuiusque partis naturam primarum qualitarum symmetria constituit, huic contraria est earundem ametria seu intemperies, quæ æqualis facta nullâ est medicabilis arte, inæqualis adhuc morbisicis causis vehementius reluctatur & eis contrarium bonum votis omnibus expetit. Quod optimè se habet nullâ indiget actione vt bonum consequatur.

CONTRARIA contrariorum remedia. Reditus ab immoderatione ad temperiem in omnibus fit per immoderationem contrariam. Pituita salsa vigilēs & sitibundos senes non famelicos reddit. Erigidi & humidi appetitus calidiores ventriculi affectus consequitur, quemadmodum calidi & sicci cupiditas frigidiores. Ventriculus frigidior plurimum appetit minimū coquit: ab imminutâ coctione pituita, caninæ appetentiæ causa, incrementum ducit. Morbosam famem & melancholiam vini veteris atque insigniter calfacientis liberalior potio soluit. Summè calido affectui frigidum in summo remedium paratur. Natura denique *πολυμήχανος* emoliri semper solet aduersus cuiusque exuperantiam auxilium per coniunctionem rei aduersæ, vt excessum vnius altero compenset & moderetur.

Fitur Città laborantes grāvida similia non appetunt.

9



Asserebat Lutetiæ GUILLELMVS GYON Parisinus. Anno R. S. H. 1616.

DOMINI DOCTORES DISPUTATVRI.

(
M. Petrus le Conte.
M. Ægidius le Blanc.
M. Guillelmus de Vailly.

M. Johannes Mannori.
M. Renatus Charrier Medic. Reg.
M. Andreas du Chemin.

M. Simon BaZin.
M. Nicolaus Pietre.
M. Jacobus Cousinor.

)